



Concello de Betanzos
Praza de Galicia, nº 1, 15300 Betanzos, A Coruña
Teléfono: 981 770 011
Fax: 981 776 529
web: www.betanzos.net
sede electrónica: <https://sede.betanzos.gal>
e-mail: correo@betanzos.net

XIV EDICIÓN DA SEMANA DA TORTILLA DE BETANZOS

BASES:

- 1) O evento que a continuación se regula levará por nome **“XIV Semana da tortilla de Betanzos”** tendo lugar xa a primeira edición no ano 2011.
- 2) Poderán participar neste evento todos aqueles establecementos hostaleiros con local aberto e en funcionamento no termo municipal de Betanzos.
- 3) O prazo de inscricións irá dende as **9.00 h do día 23 ata ás 23:59 h do día 27** de setembro de 2024, tendo que realizarse a devandita inscrición de xeito telémático a través da Sede Electrónica do Concello de Betanzos ou presencial nas oficinas municipais, segundo corresponda.
- 4) A **“XIV Semana da tortilla de Betanzos”** terá lugar nos establecementos hostaleiros inscritos entre os días 4 e 13 de outubro de 2024.
- 5) Durante o evento os establecementos participantes terán que pór a disposición da clientela, para a súa consumición, a porción de tortilla máis adiante descrita ou unha tortilla enteira, nun horario que será entre as **12:30 horas e as 15:00** horas polas mañás, e as 20:00 horas e as 22:00 horas polas tardes nos días de semana, **e entre as 20:00 e ás 23:00 horas os venres e sábados das dúas fins de semana.** Este horario ten carácter de mínimo polo que aqueles establecementos que desexen amplialo poderán facelo.
- 6) Os propietarios ou responsables de todos os establecementos participantes estarán obrigados a acudir a calquera acto de promoción do evento que o Excmo. Concello de Betanzos estime oportuno, así como a colocar en lugar visible do seu negocio a publicidade e os distintivos subministrados por este.
- 7) A porción de tortilla ofertada ao cliente corresponderase cunha oitava parte dunha tortilla de 24 centímetros de diámetro, como mínimo, e terá o prezo de **2,5 euros**. O precio da tortilla enteira será de **20 €**. Os establecementos participantes elixirán no momento da inscrición se participan só con tortilla enteira ou tamén con pincho ou porción.



Concello de Betanzos
Praza de Galicia, nº 1, 15300 Betanzos, A Coruña
Teléfono: 981 770 011
Fax; 981 776 529
web: www.betanzos.net
sede electrónica: <https://sede.betanzos.gal>
e-mail: correo@betanzos.net

- 8) **Os ingredientes a utilizar na confección da tortilla serán exclusivamente pataca, aceite, sal e ovo.**

- 9) Cada establecemento participante terá a disposición da clientela folletos cun plano de situación de todos os locais que formen parte deste evento. Estes folletos serán proporcionados polo Excmo. Concello de Betanzos. Na parte posterior de cada un deles figurarán 5 recadros en branco destinados a que cada establecemento que o cliente visite e no que deguste a Tortilla de Betanzos coloque o seu selo distintivo. Os clientes que completen os cinco recadros selados por diferentes establecementos poderán depositar este mesmo folleto cos seus datos particulares no local que desexen, participando deste xeito no sorteo de cinco experiencias gastronómicas para dúas persoas nun dos "Restaurantes da Biosfera", certificados no ano 2019 na Marca de Calidade. **Os establecementos participantes deberán levar a furna cos votos emitidos polos seus clientes ao lugar e na data que se lles indicará cando recollan a documentación para participar no evento. Se algún establecemento non entregara esta furna en tempo e forma, o Concello de Betanzos realizará de igual modo o recuento das papeletas para todos os fins necesarios e reservarse o dereito a adoptar as medidas que considere oportunas cos establecementos que incumpriran. O computo de todos os votos emitidos deste xeito determinará o gañador do concurso na súa categoría de premio popular**

- 10) Aqueles establecementos que tomen parte neste evento estarán obrigados a participar no concurso que determinará o gañador do premio á mellor tortilla da "XIV Semana da tortilla de Betanzos ". O establecemento gañador recibirá unha placa acreditativa da súa condición de vencedor no Concurso de calidade da "XIV Semana da tortilla de Betanzos " e participará en todas as promocións que o Concello de Betanzos faga do produto ou de calquera evento no que se promocióne Tortilla de Betanzos. Nesta edición do 2024 Aceites Abril como colaborador do certame ofrecerá un premio os finalistas composto por un lote de Aceites Abril

- 11) O establecemento gañador deste premio escolleráse do xeito seguinte:



Concello de Betanzos

Praza de Galicia, nº 1, 15300 Betanzos, A Coruña

Teléfono: 981 770 011

Fax; 981 776 529

web: www.betanzos.net

sede electrónica: <https://sede.betanzos.gal>

e-mail: correo@betanzos.net

- Nunha primeira fase os locais participantes terán que acudir, na data e no horario que se lles indique, ao edificio Arquivo cunha tortilla enteira. Os membros do xurado, a longo de varios días, catarán e puntuarán de 1 a 5 todas as tortillas sen coñecer a quen pertence cada unha delas. Da suma das puntuacións dos membros do xurado sairán os cinco establecementos finalistas (os cinco con maior puntuación).
- O sábado 12 de outubro o Excmo. Concello de Betanzos poñerá en coñecemento dos 5 finalistas a súa condición de tales.
- O Domingo 13 de outubro os finalistas terán que acudir no horario que se lles indicará cando se lles comunique a súa condición de finalista, ao edificio Arquivo cunha tortilla enteira. Nese momento o xurado determinado ao efecto realizará, coa presenza de todos aqueles que queiran asistir, a oportuna cata e farase público o nome do establecemento gañador.
- O xurado estará composto por representantes do tecido asociativo de Betanzos, así como por recoñecidos membros do ámbito gastronómico, nomeados a tal efecto pola Alcaldesa.

12) As presentes bases son de obrigado cumprimento. Calquera establecemento que as incumpra quedará excluído da “**XIV Semana da tortilla de Betanzos** ” e **incluso poderá ser excluído de edicións futuras.**